

विन्दते पूजां । अद्भ्यः पवते । अपोऽभिपवते । अपोऽभिसम्पवते ॥ २ ॥

अस्याः पवते । इमामभिपवते । इमामभिसम्पवते । अग्नेः पवते । अग्निमभिपवते । अग्निमभिसम्पवते । अन्तरिक्षात् पवते । अन्तरिक्षमभिपवते । अन्तरिक्षमभिसम्पवते । आदित्यात् पवते ॥ ३ ॥

आदित्यमभिपवते । आदित्यमभिसम्पवते । द्योः पवते । दिवमभिपवते । दिवमभिसम्पवते । दिग्भ्यः पवते । दिशोऽभिपवते । दिशोऽभिसम्पवते । स यत्पुरस्ताद्वाति । प्राणएव भूत्वा पुरस्ताद्वाति ॥ ४ ॥

तस्मात् पुरस्ताद्वातं । सर्वाः पूजाः प्रतिनन्दन्ति । प्राणोहि प्रियः पूजानां । प्राणइव प्रियः पूजानां भवति । य एवं वेद । स वाएष प्राणएव । अथ यदक्षिणतो वाति । मातरिश्वैव भूत्वा दक्षिणतो वाति । तस्मादक्षिणतोवान्तं विद्यात् । सर्वादिशश्चावाति ॥ ५ ॥

सर्वादिशोऽनुविवाति । सर्वादिशोऽनुसंवातीति । स वाएष मातरिश्वैव । अथ यत् पश्चाद्वाति । पवमानएव भूत्वा पश्चाद्वाति । पूतमस्माद्वाहरन्ति । पूत-